



## Ricordo di padre Marcolini nel centenario della nascita

### Èn Prét fat a sò môt

Màneghe fàde sò, tònega liza,  
'na vita lónga e piéna, fòra sérìe  
dè 'n òm dè Ciéza, anche con la diviza,  
che 'l sè fermàa gna 'n pó a piànzer misérie.

Èl s'è danàt pèr dàga 'na ma a tòcc  
dè soldàt, coi alpini e coi aviér;  
coi operai, che j-ères bèi o bròcc;  
èn Prussia, con malàcc e prizunér.

'Na guida pèr èn nigol dè stùdènc  
che dè sùcùr, tra 'l rìder e 'l schersà,  
da le sò parole, d'ide èn pó tra i dènc,  
i g'ha 'mparàt èn pó dè carità.

Sé, perchè l'éra sèmpèr stranfognét,  
o l'éra tròp ciapàt del trafegà,  
pìnsif che (fòrse) 'l fòss dè meno Prét,  
sbaglìf dè gròss, chè tót èl sò dè fà

l'éra pèr mèter j-òm èn cundissù  
dè scampà dé pèr dé con dignità,  
perchè, pèr tègner viva la diussù;  
bizògna iga la casa e 'l laurà.

Dio, che l'è onnipotente, sò la Crùss  
èl deènta "Èl pòer Cristo tortùràt";  
Marculì, con j-òcc vif e lùminùss,  
èl La vidia nè l'òm piò maltratàt.

Nèl sò còr èl pùdia mia separà  
l'amùr dèl sò fradèi e dè Gesù  
e 'l g'ha spindìt la vita pèr amàl  
èn ogni circostànsa e cundissù.

Ugo Pasqui